

Dumonda da la fracziun da la PS concernent la restricziun dals dretgs fundamentals durant il WEF 2018

Demonstraziuns paschaivlas tutgan tar ina democrazia. Ellas èn in med per exprimer libramain l'opiniun ed uschia in dretg fundamental. Demonstraziuns tutgan er tar la scuntrada annuala dal WEF a Tavau. Gist là, nua che la populaziun è esclusa da las discussiuns en il center da congress, dovri la pussaivladad per exprimer libramain l'opiniun sin via. Suentar il WEF da quest onn èn vegnidas tschentadas las suandantas dumondas en las medias: "Nua è restada la libertad d'exprimer sia opiniun a Tavau?". Tut en tut tschintg demonstraziuns n'èn betg vegnidas permessas. Mo singulas acziuns èn vegnidas permessas e quai sut cundiziuns abstrusas. In'acziun cunter la politica da Donald Trump ha per exempel dastgà consistier mo da tschintg persunas che stuevan adina avair ina distanza da 100 meters ina da l'autra.

In'ulteriura da questas acziuns da protesta legalas è vegnida impedida tras intervenziuns da la polizia. Socialistas giuvnas e socialistas giuvens che han organisà ina protesta d'ina singula persuna cun livestream, perquai che la demonstraziun cunter Donald Trump n'era betg vegnida permessa, èn vegnids arrestads da la polizia chantunala senza motivs vesaveils. Ed er in schurnalist da la NZZ, che n'ha betg vulì stizzar sias registraziuns fatgas cun ina camera, è – tenor rapports en las medias – vegnì arrestà cun far sia lavur.

Sco motiv per la decisiun da betg permetter la demonstraziun a Tavau ha la vischnanca da Tavau fatg valair la gronda quantad da naiv. Ma quai na declera betg las cundiziuns e las arrestaziuns menziunadas qua survart. Ultra da quai è la piazza da demonstraziun prendida en mira stada deliberada da la naiv il di che la demonstraziun fiss stada planisada. La previsiun da l'aura dal glindesdi aveva preditg quai. L'impressiun n'ha betg pudì vegnir eliminada che la vischnanca da Tavau saja vegnida messa sut squitsch tar sia decisiun (p.ex. en connex cun las tractativas currentas concernent ina prolungaziun dal contract).

Dretgs fundamentals ston vegnir concedids. Ni il squitsch dal WEF ni d'in auter stadi naziunal n'èn legitimads da restrenscher en il Grischun la libertad d'exprimer sia opiniun. En quest senn drizzan las sutsegnadras ed ils sutsegnaders las suandantas dumondas a la regenza:

1. Hai dà da vart dal chantun objecziuns che pledavan cunter la realisaziun da las demonstraziuns betg permessas? Sche gea, tgeninas?
2. Co giuditgescha la regenza la refusa rigurusa (e sia motivaziun) da pliras dumondas per demonstraziuns paschaivlas e libras da violenza a l'ur da la scuntrada annuala 2018 dal World Economic Forums?
3. Enconuscha la regenza auters motivs che quels da la gronda quantad da naiv che han pledà cunter la concessiun da la permissiun? Sche gea, tgenins?
4. Quantas arrestaziuns èn vegnidas registradas durant il WEF, che n'avevan la finala nagin causal penal sco basa?
5. Tge tenuta ha la regenza envers las arrestaziuns intransparentas, per exempel dal schurnalist da la NZZ e da la giuventetgna socialista da la Svizra?

Cuira, ils 12 da favrer 2018

Caviezel (Cuira), Locher Benguerel, Atanes, Baselgia-Brunner, Bucher-Brini, Cahenzli-Philipp, Jaag, Monigatti, Noi-Togni, Perl, Peyer, Pfenniger, Pult, Thöny